



Caderno da crítica

Cuestionario Proust: Xerardo Méndez

[Ramón Nicolás 9 Xullo 2014](#)

1.– Principal trazo do seu carácter?

– Oscilo harmonicamente entre a fantasía e o solipsismo.

2.– Que calidade aprecia máis nas persoas?

– Iso que se chama bonhomía.

3.– Que agarda das súas amizades?

– Nada. Anque non o pareza hai cousas que non teñen prezo.

4.– A súa principal eiva?

– A dispersión.

5.– A súa ocupación favorita?

– Son polígamo neste terreo.

6.– O seu ideal de felicidade?

– Non ter que traballar para comer.

7.– Cal sería a súa maior desgraza?

– Non quero nin pensalo.

8.– Que lle gustaría ser?

– Por sorte ou desgraza, eu mesmo.

9.– En que país desexaría vivir?

– Neste. Por algo o escollín.

10.– A súa cor favorita?

– O ceo dos días de neve.

11. – A flor que máis lle gusta?

– As pequenas, esas das que esquecemos (ou ignoramos) o nome.

12.– O paxaro que prefire?

– O paporroibo.

13.– A súa devoción na prosa?

– Blanco Amor e outros mil detrás.

14.– E na poesía?

– Neruda, Ernesto Cardenal, Ferrín, Celso Emilio e outro tanto.

15.– Un libro?

– *Canto General*.

16.– Un heroe de ficción?

– Na ficción non hai heroes.

17.– Unha heroína?

– Calquera mestra de infantil.

18.– A súa música favorita?

– Aí matáchesme. Poñamos o “Alalá das mariñas”, por dicir algo.

19.– Na pintura?

– Van Gogh.

20.– Un heroe ou heroína na vida real?

– @s árbitr@s de calquera deporte, especialmente nos deportes minoritarios e nas categorías inferiores.

21.– O seu nome favorito?

– Albén.

22.– Que hábito alleo non soporta?

– O que che eu diga.

23.– O que máis odia?

– Odiar cansa moito.

24.– A figura histórica que máis despreza?

– O presente está cheo de miseria, prefiro non mirar atrás.

25.– Un feito militar que admire?

– A disolución do exército de Costa Rica.

26.– Que don natural lle gustaría ter?

– Non quero máis, que non os dou atendido ...

27. – De que maneira lle gustaría morrer?

– O meu avó, que en paz estea, acostumaba dicir: “uns morrerán e outros quedaremos”. Eu penso igual.

28.– Cal é o seu estado de ánimo máis habitual?

– O optimismo ben informado.

29.– Que defectos lle inspiran máis indulxencia?

– A caridade, ben entendida, empeza por un mesmo.

30.– Un lema na súa vida?

– “El destino se labra con las uñas”. Creo que o dixo Mario Benedetti.